

Канон Пресвятой Богородице в честь иконы Ее Смоленской

Празднование 28 июля/ 10 августа

Тропарь, глас 4-й

К Богородице прилѣжно ныне притецѣм, грѣшнии и смиреннии, и припадѣм, в покаянии зовуще из глубины душѣ: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы (дважды).

Слава, и ныне: Не умолчим никогда, Богородице, силы Твоя глаголати, недостойнии. Аще бо Ты не бы предстоила молящи, кто бы нас избавил от толиких бед? Кто же бы сохранил доныне свободны? Не отступим, Владычице, от Тебе, Твоя бо рабы спасаеши присно от всяких лютых.

Канон, глас 4-й

Творение монаха Игнатия

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Тоя чудеса.

Припев: Пресвятая Госпоже Богородице, услыши молитву раб Своих, молящихся Тебе.

Радостно, Чистая, ныне наставшее хваление приношаю, радуясь, и тихим гласом, Одигитрие, вопию Ти: радуйся и исполни мя разума, пети начинающая.

Пресвятая Госпоже Богородице, услыши молитву раб Своих, молящихся Тебе.

Христа родившая, радость нам вечную, о, радуйся, Всепетая, православным надежда, Одигитрие, всепетая

Девіце, радості исполни мя мірови желанныя.

Слава: Ликуют вси человецы и Ангели всегда, согласно вопиюще на небеси и на земли, Одигитрие: радуйся, Девіце, радости бо Рождеством Твоим всяческая исполнила еси.

И ныне: Радуйся, Одигитрие, со страхом Ти вопиющих радости сподоби, Мати сущия радости, избавляющи скорбей всяческих, и всех помилуй, к Тебе прибегающих.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стеной и предстательству (ПОКЛОН).

Песнь 3

Ирмос: Твоя песнословцы, Богородице, живый и независтный источник, лик себе совокупльшия, духовно утверди, в Божественней Твоей славе, венцев славы сподоби.

Пресвятая Госпоже Богородице, услыши молитву раб Своих, молящихся Тебе.

Христа, Вышняго Царя, о, радуйся, непоколебимая Чистая и одушевленная палато! Радуйся, Одигитрие, радуйся: Тобою нерушим наш град сохраняется.

Пресвятая Госпоже Богородице, услыши молитву раб Своих, молящихся Тебе.

Вместити Егоже не возможно тварь, во утробу неискусобрачную, Одигитрие Девіце, телесно вместила еси, темже Ти радуйся поем, по долгу величающе.

Слава: Радость многопетая мірови, радостно Ти поюще присно, вечнующая, Чистая, радости сподобляемся Твоими матерними молитвами к Рождшемуся из Тебе, Одигитрие.

И ныне: Златую Тя стамну, и свещник, и жезл, и трапезу, Чистая, призываем, Одигитрие, и глас, еже радуйся, Тебе присно привношаем с сими же имены.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стеной и предстательству (ПОКЛОН).

Господи, помилуй (*трижды*). Слава, и ныне.

Седален, глас 2-й

Молéние тéплое и стена́ необорíмая, мíлости исто́чнице, мíрови прибéжище, прилéжно вопи́ем Ти: Богорóдице Влады́чице, предвари́ и от бед изба́ви нас, Еди́на вско́ре предста́тельствующая.

Песнь 4

Ирмос: Седя́й в сла́ве на Престо́ле Божества́ во о́блаце лёгце, при́иде Иису́с Пребоже́ственный нетле́нною дла́нию и спасе́ зову́щия: сла́ва, Христе́, си́ле Твое́й.

Пресвята́я Госпоже́ Богорóдице, услы́ши моли́тву раб Свои́х, моля́щихся Тебе́.

Ра́дуйся, чу́до чудесём, Оди́гтрие Влады́чице. Ра́дуйся, всем ра́досте градо́вом, и вéсем непобедíмое христиа́нское в беда́х храни́лище, и предгра́дие, и на враги́ побеждéние.

Пресвята́я Госпоже́ Богорóдице, услы́ши моли́тву раб Свои́х, моля́щихся Тебе́.

Ра́дуйся, ра́дуйся, лю́дем правосла́вным похвало́, и христолю́бívым во́инством покрóв пребыва́еши всем, Цари́це. Ра́дуйся, Оди́гтрие, прибéжище всем нам и утверждéние.

Слава: Ра́дуйся, всем ско́рое в беда́х избавлéние. Ра́дуйся, гото́вое всем скорбя́щим утешéние. Ра́дуйся, всепéтая, ра́дуйся, Оди́гтрие всеблагословéнная, всем немощн́ым целíтельница.

И ныне: Ра́дуйся, Ея́же вели́чия вся тварь сла́вити у́бо спешíт по досто́янию, но не возмога́ет, Оди́гтрие, и сего́ ра́ди зове́т Ти: ра́дуйся, Влады́чице, Боговместíмое жили́ще.

Спаси́ от бед рабы́ Тво́я, Богорóдице, я́ко вси по Бо́зе к Тебе́ прибега́ем, я́ко неруши́мей стене́ и предста́тельству (*поклон*).

Песнь 5

Ирмос: Ужасóшася всяческая о Божéственней слáве Твоёй: Ты бо, неискусобрачная Дéво, имéла еси́ во утробе над всéми Бóга и родилá еси́ безлётнаго Сы́на, всем воспева́ющим Тя мир подава́ющая.

Пресвятáя Госпожé Богородице, услы́ши моли́тву раб Свои́х, моля́щихся Тебé.

Благосты́ни бéдно и щедрóтам еси́, ра́дуйся, Одиги́трие Деви́це, ра́дуйся, всем ра́дость творя́щи вёрным. О, ра́дуйся, сущим в беда́х и скорбя́щим пребы́страя Засту́пнице.

Пресвятáя Госпожé Богородице, услы́ши моли́тву раб Свои́х, моля́щихся Тебé.

Ра́дуйся, от исполнénия вели́чия чудéс Твои́х зря́ще, исполня́емся, вси незря́щии, слы́шаще же, вёрнии. Тёмже ра́дуйся Тебé присно́ всюду и вси, Одиги́трие, поём.

Слава: Христá Бóга нашего́, о, ра́дуйся, Одиги́трие, жили́ще и дом неизречénныя и пребожéственныя, Дéво, слáвы Егó. О, ра́дуйся, пала́то преукрашénная, ра́дуйся, граде одушевлénный, присно́ ца́рствующий!

И ныне: Ра́дость неоску́дную Тя разсмотримо́, я́ко мо́ре, Отрокови́це, Одиги́трие Деви́це, раду́ющесея вси, ра́дуйся вопиём Ти, и пою́ще, Божéственных дарóв невидимо́ присно́ от Тебé ожида́юще.

Спаси́ от бед рабы́ Твоя́, Богородице, я́ко вси по Бóзе к Тебé прибега́ем, я́ко неруши́мей стене́ и предста́тельству (поклон).

Песнь 6

Ирмос: Божéственное сиé и всечестно́е соверша́юще пра́зднество, богомудрии, Богомáтере, приидите, рука́ми восплэ́щим, от Нея́ рóждшагося Бóга сла́вим.

Пресвятáя Госпожé Богородице, услы́ши моли́тву раб Свои́х, моля́щихся Тебé.

Христá, Чи́стая, приёмлющи, глас éже ра́дуйся, Одиги́трие Деви́це, слы́шаше, Егóже неизречénно рóждши, ра́дуйся от

всех слы́шиши всегда́.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Ра́дости вся испо́лнила еси́, вы́шняя и ни́жняя Ты совокупи́ла еси́, Одиги́трие, те́мже ра́достно и согла́сно ны́не не́бо и вся земля́ зовет Ти.

Слава: Вдо́вам, о, ра́дуйся, всепе́тая, и всем си́рым, Одиги́трие, утеше́ние; ра́дуйся, всем исто́чающи ни́щим бога́тство неисто́щимо́е.

И ны́не: Зла́та вся́каго блиста́ема и у́тра со́лнечнаго светле́йши, жили́ще Христо́во, ра́дуйся, Одиги́трие, ра́дуйся, Деви́це, раду́йся, Неве́сто Нене́стная.

Спаси́ от бед рабы́ Тво́я, Богоро́дице, я́ко вси по Бо́зе к Тебе́ прибега́ем, я́ко неруши́мей стене́ и предста́тельству (покло́н).

Господи, помилуй (*трижды*). Слава, и ны́не.

Кондак, глас 6-й

Предста́тельство христиа́н непосты́дное, ходата́йство ко Творцу́ непрело́жное, не прэ́зри грешных моле́ний гласы́, но предва́ри, я́ко благая́, на по́мощь нас, ве́рно зову́щих Ти: ускори́ на моли́тву и потщи́ся на умоле́ние, предста́тельствующи при́сно, Богоро́дице, чту́щих Тя.

Икос

Простри́ длани Тво́я, и́миже всех Влады́ку я́ко Младенца́ прия́ла еси́, за мно́жество бла́гости; не оста́ви нас, всегда́ наде́ющихся на Тя, бо́дренною Тво́ею моли́твою и неисче́тною просты́нею ущедри нас и пода́ждь душам на́шим милосе́рдие Тво́е, во ве́ки исто́чающи: Тебе́ бо и́мамы, грешнии, засту́пницу от находя́щих на ны бед и зол. Но, я́ко иму́щи милосе́рдия щедрóты, ускори́ на моли́тву и потщи́ся на умоле́ние, предста́тельствующи при́сно, Богоро́дице, чту́щих Тя.

Песнь 7

Ирмос: Не послужиша твари Богомудрии паче Создавшего, но огненное прещение мужески поправше, радовахуся поюще: препетый отец Господь и Бог, благословен еси.

Пресвятая Госпоже Богородице, услыши молитву раб Своих, молящихся Тебе.

Радуйся, радуйся, Богородице Одигитрие, всех и всегда наставляющи верных шествовати ко всякому пути спасительному; радуйся, Владычице, Тобою бо присно избавляемся настоящих варварских бед.

Пресвятая Госпоже Богородице, услыши молитву раб Своих, молящихся Тебе.

Радуйся, радуйся, Одигитрие, бдящи и молящися о нас к Богу, и всякия злобы ходатайством Твоим, всяческих скорбей, Богородительнице, всех людей избавляющи.

Слава: Радуйся, радуйся, Пресвятая Одигитрие, Яже прошения наша к пользе нам исполняющи и хотящи всем присно всегда любодружное благое единство, спешное же во изысках.

И ныне: Радуйся, радуйся, кораблем Одигитрие нуждно плавающим, избавляющи верных, и всем избавление от всякия скорби, и недуги пестротныя и медленныя разрешающи вскоре.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стеной и предстательству (ПОКЛОН).

Песнь 8

Ирмос: Отроки благочестивыя в пещи Рождество Богородичо спасло есть, тогда убо образуемое, ныне же действующее, вселенную всю воздвизает пети Тебе: Господа пойте, дела, и превозносите Его во вся веки.

Пресвятая Госпоже Богородице, услыши молитву раб Своих, молящихся Тебе.

Радуйся, всеблагословенная Марие, из Тебе бо всеблагословенный Бог одеявся во всего мя, человека, и,

оде́ваясь, соедини́ Своему́ Божеству́ неизрече́нным соедине́нием, Де́во Одиги́трие, ра́дуйся, Обра́дованная, ра́досте всего́ ми́ра.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Ра́дуйся, лука́вых духо́в прогоните́льнице; ра́дуйся, Богоро́дице Одиги́трие. Ра́дуйся, я́ко Тебе́ небе́сная невиди́мая во́инства славосло́вят всегда́ и велича́ют я́ко Ма́терь Бо́жию бы́вшую; ра́дуйся, Яже ни́жняя сочта́вши с вы́шними.

Слава: Ра́дуйся, всех небе́сных сил без рассу́ждения превосходя́щая; ра́дуйся, Одиги́трие. Ра́дуйся, вся́кия тва́ри Бо́га ро́ждшая, господа́ствующи ей, Влады́чице всепе́тая; ра́дуйся, я́ко пребыва́еши Де́вою, Чи́стая, и по рождестве́.

И ныне: Ра́дуйся, жена́м всем сла́во, хра́ме преосвяще́нный Бо́га на́шего; ра́дуйся, Одиги́трие, ра́дуйся, душеспаси́тельная всей вселе́нней; ра́дуйся, покрыва́ющий о́блаче, небе́с ши́ршая; ра́дуйся, мирополо́жнице, Божество́ннаго ми́ра полна́.

Спаси́ от бед рабы́ Тво́я, Богоро́дице, я́ко вси по Бо́зе к Тебе́ прибега́ем, я́ко неруши́мей стене́ и предста́тельству (покло́н).

Песнь 9

Ирмос: Всяк земноро́дный да възигра́ется, Ду́хом просвеща́емь, да торжеству́ет же безплотных умо́в естество́, почита́ющее свяще́нное торжество́ Богома́тере, и да вопи́ет: ра́дуйся, всеблаже́нная Богоро́дице, Чи́стая Присноде́во.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Ра́дуйся, свеще́, Свет невече́рний понёсшая, и в рождестве́ Твоём многобо́жия тьму разруши́вшая, и а́довы про́пасти изба́вльшая лю́ди. Ра́дуйся, Одиги́трие Богоро́дице, добро́т всех предходата́ице.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Ра́дуйся, землѣ, из неяже клас прозя́бший небѣсный
вѣрным, и міра всего душегубнаго гла́да изба́ви, разу́мная
и одушевлѣнная. О, ра́дуйся, виногра́де, іже грозд
живо́тный ро́ждшая, Богоро́дице Чістая Оди́гитрие!

Слава: Ра́дуйся, та́йных цвето́в прекра́сный су́щий раю́;
ра́дуйся, Ма́ти Де́во, невідимых разу́м чистото́ю
странноле́пно побѣждши, Богороди́тельнице. Ра́дуйся,
Отрокови́це, ра́дуйся, Оди́гитрие, всемірное чу́до и
слы́шание.

И ныне: Лѣто живота́ нашего́ прѣчее сохрани́ невреждѣно
поможѣнием Твои́м, Де́во Отрокови́це, и сподо́би ко́нѣц
благі́й получи́ти нам, воспева́ющим Тя и взыва́ющим:
ра́дуйся, всеблаже́нная Богоро́дице, Чістая Оди́гитрие.

Спаси́ от бед рабы́ Твоѧ, Богоро́дице, я́ко вси по Бо́зе к
Тебе́ прибега́ем, я́ко неруши́мей стене́ и предста́тельству
(покло́н).